



Sakspapir

Sakshandsamar	Arkiv	ArkivsakID
Nadine Gutte-Preusse	FE-230, FA-G10	19/409

Saksnr	Utval	Type	Dato
120/19	Formannskapet	PS	26.11.2019
	Kommunestyret	PS	
011/19	Eldrerådet	PS	12.11.2019

Justering av sats for omsorgsstønad 2020 Kommunebudsjett 2020

Saksutgreiing:

Bakgrunn

Omsorgsstønad er lovfesta i Helse- og omsorgsloven § 3-6 tredje ledd. Omsorgsstønad for særleg tyngjande omsorgsoppgåver vert tildelt etter bestemte kriterier og skal gjera det mogleg for private omsorgspersonar å oppretthalda omsorgsarbeidet for sine næraste. Omsorgsstønad kan sjåast på som ei form for oppvurdering av det ubetalte omsorgsarbeidet. Private omsorgsytere skal få noko betaling for det omsorgsarbeidet dei gjer. Betalinga dekkjer som regel ikkje dei reelle utgiftene eller inntektstap for den som yter omsorga. Søkjaren har rett på berekning av kva for eit timetal ytinga vert betalt for. Det skal vidare skje ein konkret utmåling ut frå ein timesats som vanlegvis ikkje skal vera under det lønt personell får. Viser i tillegg til dei utarbeidde retningslinjer for omsorgsløn i Fedje kommune (vedtak K-010/04)

Vurdering

Timesats for omsorgsstønad låg på 157,17 kr for 2019. Det er vanleg at kommunane set fast timeløna til dei som får omsorgsstønad likt med timeløna til stilling utan særskilt krav om utdanning.

Kommunen fastset sjølv kor mange timar dei skal gje omsorgsstønad for. Den som får omsorgsstønad, må betala skatt for det, og kommunen må betala arbeidsgjevaravgift. Dei fleste kommunar plasserer omsorgsstønad i lågaste gruppe. Justert med normal løns- og prisstigning utgjer dette ei timelønn på 162,67 for 2020.

Tidligere vart maksbeløpet justert etter normal lønsstigning og låg på kr 5130 i 2019. Regjeringa ser på omsorgsstønad som skattepliktig yting og anbefalar at satsane vert justert i takt med utviklinga av grunnbeløpet til folketrygda. Dermed bør maksbeløpet setjast fast til grunnbeløpet til folketrygda på 99858 kr per år. Dette svarer til 8321,50 kr per måned og vil utgjere eit tillegg på ca. fire timer per veke.

Folkehelse

Miljø

Økonomi

Kommunane har etter lova plikt til å ha ei ordning med omsorgsløn, og det må setjast av tilstrekkeleg midlar til dette formålet. Kommunen kan ikkje avslå ein søknad om omsorgsløn grunngjeve med at ein ikkje har denne ordninga eller at det ikkje er pengar til rådvelde. Ordninga har hittil ikkje vore nytta i noko omfang i kommunen, men det kan endra seg avhengig av kva tilgang det er på eks. sjukeheimsplassar eller heimesjukepleie i høve til etterspurnad. Endringa av maksbeløpet vil føre til



Fedje kommune

meir økonomisk belastning i kommunebudsjett dersom ordninga vert nytta i større grad.

Konklusjon

Timesats er utrekna med basis i kva som er vanleg praksis og justert med forventa løns- prisauke.
Maksbeløp er tilpassa statlege føringar.

Forslag til vedtak:

Med verknad frå 01.01.2020 vert timesatsen for omsorgsstønad satt til 162,67 kr og maksbeløpet vert satt til 8321,50 kr per måned.

Eldrerådet - 011/19

ELD - behandling:

ELD - vedtak:

Med verknad frå 01.01.2020 vert timesatsen for omsorgsstønad satt til 162,67 kr og maksbeløpet vert satt til 8321,50 kr per måned.

Samrøystes vedteke.